



Infurmaziuns dalla suprastanza communal digl cumeegn Albula/Alvra:

### **Matg / zarcladour 2020**

- La suprastanza ò examino ed approvo diversas dumondas da biagier. La suprastanza ò piglia cunaschietscha dallas lubientschas da biagier concedidas durant igls meis da matg 2020 e zarcladour 2020 an procedura da lubientscha da biagier simpla.
- Agl rom dalla procuraziun dallas actas da basa dalla «Bova da Brinzauls», ò la suprastanza communal delibero en credit brut da CHF 4.35 miu. per l'examinaziun davart igl project «Muntogna». La part dalla confederaziun e digl cantun montan 90 %. Dedutgond las contribuziuns dalla Veiadafier retica (2 %) e digl uffezi da construcziun bassa (3 %) restigl agl cumeegn Albula/Alvra costs an import da 5 %; CHF 217'500.00.
- Per la naturalisaziun digls rampars temporars da lavegnas «Motta Palousa» segl territori digl cumeegn Albula/Alvra, ò la suprastanza concedia en credit brut an import da CHF 24'000.00. La confederaziun ed igl cantun sa participeschan cun 75 % ve digls costs totals. Las lavours duessan neir exequeidas la stad – aton 2020.
- La suprastanza ò examino ed approvo igl rendachint annual 2019 dall'ovra idraulica per ava da beber «Rand». Igl rendachint annual 2019 mossa en gudogn da CHF 66'438.11 siva digl deposit alla finanziaziun speziala. La part digl cumeegn Albula/Alvra monta 50 %.
- Per ansuar areals d'adiever agricol è neida dada ena lubientscha limitada per la re-tratga d'ava or digl surscul d'en reservuar.
- Sen dumonda dalla societad d'alp «Alp da la Creusch» per cumprar en tanc da latg, ò la suprastanza approvo en credit da CHF 27'000.00 e do l'incumbensa correspondent.
- La suprastanza communal ò delibero en credit brut da CHF 710'000.00 per mangs dalla radunanza communal digls 17 da fanadour 2020 per la sanaziun digl our da sbuaditsch a Vasarauls (veia da colliaziun Brienz/Brinzauls – Vasarauls). Cun la construcziun nova dallas lengias d'ava scu er dallas lengias electricas so la siertad da provedimaint neir garanteida per en pèr ulteriours onns.
- La suprastanza ò approvo las determinaziuns per la renovaziun digl label martgea d'energeia aint igl rom d'en Re-Audits.
- Igls 2 da zarcladour 2020, ò la suprastanza approvo e delibero la planisaziun directiva digl spazi communal Albula/Alvra.
- La suprastanza ò examino minuziosamaintg ed approvo igls statuts dalla societad d'alp «Ozur». Mademamaintg è'l nia approvo igl reglamaint dalla cuminanza d'alpegiants da Mon.

- Per las lavours da mantignamaint aint igl bargung dallas vatga sen l'alp Ozur (pan-tungs novs), ò la suprastanza approvo en credit da CHF 32'200.00.
- La suprastanza ò delibero en credit an import da CHF 63'543.00 per la survegliaziun dalla bova da Brinzauls, scenari «Vest». Chella survegliaziun è ena cumplettaziun planisada pigl post da radar a Casti. Chella survegliaziun è ena part digl project «Survegliaziun e preavertimaints 2019-2024».
- Per la sanaziun dalla drenascha «Aclas da Brinzauls», ò la suprastanza delibero en credit brut an import da CHF 2'300'000.00 per mangs dalla radunanza communal digls 17 da fanadour 2020. Confederaziun e cantun sa participeschan cun 90 %, igl uffezi da construcziun bassa digl Grischun cun 3 % e la Veiadafier retica cun 2 %. Agl cumegn restan uscheia costs da 5 %; CHF 115'000.00.
- La glista da tractandas ed igl messadi per la radunanza communal digls 17 da fanadour 2020 è nias approvos e deliberos.
- La suprastanza ò examinò ed approvo igls rendachints 2019 digl consorzi da scola Belfort davains, digl consorzi da scola Val Alvra da fora e digl consorzi da scola scalem superieur Val Alvra.
- An connex cugl project forestal «Amplificaziun dalla veia da gôt Schlasung», ò la suprastanza approvo igls contracts da barat.
- La suprastanza ò approvo igl rendachint annual dalla cuminanza d'interess ARA Alvra.
- An vista alla situaziun momentana an connex cugl coronavirus (COVID-19), ò la suprastanza decidia da desister d'exequir la festa digl 1. d'avost (per tot las fracziuns).

La suprastanza communal